



ISLAMSKA ZAJEDNICA U BOSNI I HERCEGOVINI
VIJEĆE MUFTIJA

Broj: 03-2-135/19

Datum: 14. zu-l-hidže 1440. h.g.

15. august 2019. godine

Na osnovu člana 10. i člana 33. Poslovnika o radu Vijeća muftija, Vijeće muftija Islamske zajednice na svojoj 21. redovnoj sjednici od 14. zu-l-hidžeta 1440. h.g, odnosno 15. augusta 2019. godine, razmatrajući sve aktuelnije pitanje kremiranja tijela nakon smrti donijelo je:

F E T V U

o zabrani kremiranja posmrtnih ostataka umrle osobe

بِسْمِ اللَّهِ الرَّحْمَنِ الرَّحِيمِ
الحمد لله رب العالمين والصلاة والسلام على أشرف الأنبياء والمرسلين ، نبينا محمد وعلى آله وصحبه أجمعين:

U ime Allaha Milostivog, Samilosnog

Hvala Allahu Gospodaru svjetova, neka su Mir i Spas na Njegovog posljednjeg poslanika, plemenitu porodicu i sve ashabe.

Uzimajući u obzir ajete Časnog Kur'ana u kojima se kaže:

„Doista smo Mi sinovima Ademovim posebno dostojanstvo ukazali, dali smo im da kopnom i morem putuju, i opskrbili ih ukusnim jelima, i dali im velike prednosti nad mnogima koje smo stvorili.“ (El-Isra, 70); „Od zemlje vas stvaramo i u nju vas vraćamo i iz nje ćemo vas po drugi put izvesti.“ (Ta-Ha, 55);

te oslanjajući se na hadis Allahovog poslanika, a.s, u kojem je kazao:

„Lomljenje kostiju mrtve osobe je jednako lomljenju kostiju žive osobe.“ (Ebu Davud, Ibn Madže i Ibn Hibban);

ističemo da je prema islamskom učenju i tradiciji Uzvišeni Allah čovjeku ukazao posebno dostojanstvo, a čovjeka čine duša i tijelo. Zato ljudsko tijelo i nakon smrti ima svoj *hurmet* i treba se s njim dostojanstveno postupati, a to znači da se, kada je to moguće, ima dostojanstveno pokopati.

Onima koji odluče da se njihovo tijelo kremira ili o tome nakon njihove smrti odluče članovi njihovih porodica, ne može se klanjati dženaza-namaz, jer nisu ispunjeni uvjeti dženaze i ukopa prema islamskim propisima. S obzirom na sve navedeno, spaljivanje i kremiranje posmrtnih ostataka umrle osobe nije u duhu islamskog učenja i tradicije i kao takvo je zabranjeno (haram). A Allah najbolje zna!

Dostavljeno:

- Upravi za vjerske poslove;
- ☉ Sekretaru Vijeća muftija;
- a/a


Husein-ef. Kavazović
Reisu-l-ulema